



Broj: 02-05-2946/18
Lukavac, 29.10.2018. godine

Na osnovu člana 64. stav (1). tačka a), člana 88., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj: 02-05-2946/18 od 24.10.2018. godine u postupku nabavke usluga za kolektivno osiguranje zaposlenih radnika za 2019. godinu, Općinski načelnik d o n o s i

O D L U K U

o izboru najpovoljnijeg ponuđača za nabavku usluga za kolektivno osiguranje zaposlenih radnika za 2019. godinu

Član 1.

Prihvata se preporuka Komisije za provođenje postupka javne nabavke broj: 02-05-2946/18 od 24.10.2018. godine i Ugovor za javnu nabavku usluga za kolektivno osiguranje zaposlenih radnika za 2019. godinu, dodjeljuje se ponuđaču Triglav Osiguranje d.d. Sarajevo, Podružnica Tuzla, ponuda broj: 03-14930/18 od 18.10.2018. godine za ponuđenu cijenu u vrijednosti od 4.695,36 KM bez PDV-a, kao najpovoljnijem ponuđaču.

Član 2.

Ponuđač Triglav Osiguranje d.d. Sarajevo, Podružnica Tuzla dužan je nakon prijema odluke o izboru dostaviti u roku od 5 (pet) dana originale ili ovjerene kopije dokaza o ispunjavanju uslova iz člana 45.stav (1) tačka d) Zakona o javnim nabavkama BiH, navedeni u tački 12.2. tenderske dokumentacije broj: 02-05 2946/18.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan način, ugovor za javnu nabavku dodijeliti će se drugorangiranom ponuđaču u skladu sa članom 72. stav (3) Zakona o javnim nabavkama.

Član 3.

Prijedlog Ugovora o nabavci dostavit će se na potpis izabranom ponuđaču nakon isteka roka od 10 (deset) dana, računajući od dana kada su svi ponuđači obavješteni o izboru najpovoljnije ponude.

Član 4.

Ova odluka objavit će se na intrenet stranici ugovornog organa (www.lukavac.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.



Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-02-1-2945/18 od 04.10.2018. godine. Javna nabavka sprovedena je konkurentnim postupkom nabavke. Procijenjena vrijednost javne nabavke bez PDV-a je 5.700,00 KM.

Obavještenje o nabavci broj: 719-7-2-89-3-131/18 objavljeno je na Portalu javnih nabavki dana 05.10.2018. godine.

Komisija za provođenje postupka nabavke imenovana Rješenjem broj: 02-05-3020/18 od 12.10.2018. godine i Rješenjem o izmjeni Rješenja broj: 02-05-3020/18-1 od 23.10.2018. godine dostavila je ugovornom organu-općinskom načelniku Zapisnik o pregledu i ocjeni ponuda broj: 02-05-2946/18 od 24.10.2018. godine, Preporuku o izboru najpovoljnijeg ponuđača broj: 02-05-2946/18 od 24.10.2018. godine i Izvještaj o radu broj: 02-05-2946/18 od 24.10.2018. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno pet ponuda;
- da je blagovremeno primljeno pet ponuda;
- da nije bilo neblagovremeno primljenih ponuda;
- da je ponuda ponuđača WIENER OSIGURANJE FILIJALA SARAJEVO, POSLOVNICA TUZLA odbačena iz daljeg postupka nabavke, jer ista ponuda nije uvezana na način propisan tačkom 14.1. tenderske dokumentacije. Navedeni ponuđač je ponudu uvezao spiralnim uvezom i istu nije osigurao jemstvenikom, a čiji bi krajevi na prvoj ili posljednjoj strani bili pričvršćeni utisnutim žigom ili naljepnicom ovjerenom pečatom dobavljača, kako je to traženo tenderskom dokumentacijom broj: 02-05-2946/18. Zbog naprijed navedenog Komisija je ponudu u skladu sa članom 68. stav 4. tačka i) Zakona o javnim nabavkama odbacila i
- da su ponude ponuđača TRIGLAV OSIGURANJE D.D. SARAJEVO, PODRUŽNICA TUZLA, SARAJEVO-OSIGURANJE d.d. Sarajevo, "ASA OSIGURANJE" d.d. Sarajevo i CENTRAL OSIGURANJE d.d., Podružnica Tuzla kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način;

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 5.700,00 KM i da je kriterij za dodijelu ugovora ekonomski najpovoljnija ponuda.

Ponuđač Triglav Osiguranje d.d. Sarajevo, Podružnica Tuzla dostavio je prihvatljivu ponudu sa konačnom cijenom u iznosu od 4.695,36 KM bez PDV-a i rokom plaćanja 60 (šezdeset) dana koja je u odnosu na kriterij za dodjelu ugovora (ekonomski najpovoljnija ponuda) ocijenjena kao najpovoljnija.

Iz navedenih razloga, primjenom člana 64. stav (1) tačka a) Zakona o javnim nabavkama, člana 88., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.



OPĆINSKI NAČELNIK
Dr. Sc. Edin Delić

Dostaviti:

1. TRIGLAV OSIGURANJE D.D. SARAJEVO, PODRUŽNICA TUZLA
2. SARAJEVO-OSIGURANJE d.d. Sarajevo
3. "ASA OSIGURANJE" d.d. Sarajevo
4. CENTRAL OSIGURANJE d.d., Podružnica Tuzla
5. WIENER OSIGURANJE FILIJALA SARAJEVO, POSLOVNICA TUZLA
6. Evidenciji i
7. Arhivi.-